



REPUBLIKA E SHQIPËRISË  
MINISTRIA E ARSIMIT, SPORTIT DHE RINISË  
DREJTORIA E PËRGJITHSHME E ARSIMIT PARAUNIVERSITAR  
DREJTORIA RAJONALE E ARSIMIT PARAUNIVERSITAR KORÇË

Nr.1087 Prot.

Korçë, më 15.11.2021

**Lënda: Për shpalljen e procedurave të konkursit për kandidatë të shërbimit psikosocial.**

Në zbatim të ligjit nr. 69/2012 “Për sistemin arsimor parauniversitar në Republikën e Shqipërisë” i ndryshuar, të Urdhrit nr. 313, datë 20.10.2020 “Për organizimin dhe funksionimin e njësisë së shërbimit psiko-social në institucionet e arsimit parauniversitar dhe procedurat e emërimit, pezullimit dhe largimit në shërbimin psiko-social”, hap konkursin për kandidatët e interesuar për shërbimin psikosocial.

1. Drejtoritë Rajonale të Arsimit Parauniversitar (DRAP) më **datë 22.11.2021** shpallin njoftimin e pranimit të dosjeve për kandidatët të cilët dëshirojnë të marrin pjesë në konkursin për pranim për secilën Zyrë Vendore të Arsimit Parauniversitar (ZVAP) sipas planifikimit paraparak. (Modeli i shpalljes bashkëlidhur)
2. Për kandidatët që dëshirojnë të konkurrojnë në;  
**ZVAP Pogradec, 1 psikolog, 1 punonjes social**  
**ZVAP Devoll, 3 punonjes social**  
**ZVAP Belsh, 1 psikolog 1 punonjes social**  
**ZVAP Berat, 2 psikolog**  
**ZVAP Ura Vajgurore, 1 psikolog**  
**ZVAP Skrapar 1 psikolog**  
**ZVAP Polican 1 psikolog**

dosjet dërgohen nëpërmjet shërbimit postar në adresën e DRAP Korçë “**Rruga Dhimitër Denasi**” Lagja 18 Korçë.

Kushtet Specifike;

**I. Kriteret për t`u punësuar në shërbimin psiko-social:**

**A. Kërkesat e përgjithshme që duhen plotësuar për punësim në pozicionet e mësipërme janë:**

1. Të jetë shtetas shqiptar;
2. Të ketë zotësi për të vepruar;
3. Të jetë në kushte shëndetësore të mira për të kryer detyrat përkatëse;
4. Të mos jetë dënuar për vepra penale dhe të mos ketë proces penal të hapur në prokurori apo gjykatë;
5. Të mos jetë marrë më parë masë largimi nga punët e mëparshme dhe të mos ketë masa të tjera administrative, apo vërejtje në fuqi.

**B. Kërkesat e veçanta që duhen plotësuar për punësim në pozicionet e mësipërme janë:**

1. Kandidati duhet të përmbushë kërkesat ligjore për nivelin arsimor dhe të zotërojë aftësitë e nevojshme profesionale për vendin përkatës të punës.
2. Të jetë pajisur me diplomën e ciklit të dytë, në fushën përkatëse.
3. Njohuri bazë në kompjuter.
4. Zotërimi i gjuhëve të huaja përbën avantazh (dëshmi, certifikata).
5. Aftësi komunikuese dhe punës në grup.

## **II. Dokumentacioni, mënyra dhe afati i dorëzimit**

### **A. Kandidatët duhet të dorëzojnë dokumentat si më poshtë:**

1. Përshkrimi i edukimit dhe karrierës profesionale – Jetëshkrimin (Curriculum vitae) sipas shtojcës 3 të Urdhërit nr.313, datë 20.10.2020 **(e detyrueshme)**;
2. Kërkesë për (pjesëmarrje në konkurrim) për punësim në zyrën arsimore ku dëshirojnë të aplikojnë për për pozicionin psikolog / punonjës social **(e detyrueshme)**;
3. Raport mjekoligjor i tri muajve të fundit **(i detyrueshëm)**;
4. Kopje e njehsuar me origjinalin e Diplomës/diplomave (për diplomat e marra jashtë Republikës së Shqipërisë të përcillet njëhësi nga Ministria e Arsimit **(e detyrueshme)**;
5. Listë notash e noterizuar për nivelin bachelor dhe master **(e detyrueshme)**;
6. Leje për ushtrimin individual të profesionit - kopje e njehsuar me origjinalin **(licencë)**;
7. Deklaratë për verifikimin e vërtetësisë së dokumentave të paraqitura nga aplikanti sipas shtojcës 4 të Urdhërit nr.313 datë 20.10.2020 **(e detyrueshme)**;
8. Formular vetëdeklarimi i gjendjes gjyqësore sipas shtojcës 5 të Urdhërit nr.313 datë 20.10.2020 **(e detyrueshme)**;
9. Kopje e njehsuar me origjinalin e diplomës së arsimit shtesë dhe listës së notave si dhe certifikatave për gjuhët e huaja apo kualifikime të ndryshme;
10. Libreze pune fotokopje e noterizuar nëse ka;
11. Fotokopje e kartës së identitetit ose certifikatë personale e tre muajve të fundit **(e detyrueshme)**;
12. Dëshmi penaliteti **(e detyrueshme)**;
13. Nëse është i punësuar, vërtetim nga institucioni që nuk ka masë disiplinore në fuqi ose vetdeklarim në rastin kur nuk është i punësuar **(detyrueshme)**.

**B. Të gjithë dokumentat që janë fotokopje duhet të jenë të noterizuara. Nëse në dosjen e aplikimit mungon një nga dokumentat e detyrueshme atëherë kandidati skualifikohet automatikisht.**

**C. Dokumentacioni i aplikimit dorëzohet nëpërmjet shërbimit postar në DRAP Korçë, për të gjithë kandidatët që aplikojnë për punësim në ZVAP-et në varësi të DRAP Korçë , përkatëse brenda afatit 22.11.2021 - 02.12.2021.**

## **III. Vlerësimi i dokumentacionit të kandidatëve për psikolog /punonjës social të paraqitur në dosje, do të kryhet nga komisioni në periudhën 03.12.2021 – 07.12.2021.**

- **Rezultatet paraprake të vlerësimit të dokumentacionit do të shpallen në këndin e njoftimeve të institucionit arsimor dhe në faqet zyrtare të ZVAP-ve dhe DRAP Korçë në datë 07.12.2021 ;**

- Kandidatët dërgojnë me e-mail ankesat në adresën zyrtare të DRAP Korçë ([DRAPKorce@arsimi.gov.al](mailto:DRAPKorce@arsimi.gov.al)) brenda datës 10.12.2021 .
- Në datë 10.12.2021 shpallet lista përfundimtare e kandidatëve që kalojnë fazën e parë ( I ) të shqyrtimit të dokumentacionit .
- Në datë 13.12.2021 DRAP Korçë, njofton çdo kandidat të listës përfundimtare lidhur me mjedisin, vendin dhe orën e zhvillimit të testimit.

IV. Testimi me shkrim për vlerësimin e njohurive të profesionit dhe për njohuritë mbi legjislacionin që lidhet me ushtrimin e profesionit, për kandidatët që kanë kaluar vlerësimin me dosje, do të zhvillohet në datën **14.12.2021, ora 10:00.**

- Shpallja e rezultateve paraprake të testimit është data **17.12.2021.**
- Kandidatët dërgojnë me e-mail ankesat në adresën zyrtare të DRAP Korçë ([DRAPKorce@arsimi.gov.al](mailto:DRAPKorce@arsimi.gov.al)) brenda datës **21.12.2021** mbi vlerësimin e testimit.

V. DRAP Korçë brenda datës **23.12.2021** shpall listën e kandidatëve të kualifikuar dhe grafikun e intervistave të strukturuar me kandidatët që janë kualifikuar me testimin me shkrim me të paktën 50% të pikëve të testit me shkrim.

VI. Në përfundim të intervistës, komisioni ad-hoc shpall listën e kandidatëve për psikologë dhe listën e kandidatëve për punonjës-social në nivel DRAP-i, të renditur sipas pikëve gjithsej, (pikët e dosjes + pikët e testimit + pikët e intervistës). Lista me rezultatet përfundimtare i dorëzohet drejtorit të DRAP-it, i cili e publikon me ID përkatëse në faqen e institucionit.

**DREJTORI DRAP**



**KRISTAQ GRABOČKA**